

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU

Broj: 65 0 St 1158805 25 St
Sarajevo, 12.05.2025. godine

Općinski sud u Sarajevu, stečajni sudija Zlatan Bilić, rješavajući po prijedlogu za otvaranje stečajnog postupka nad imovinom pravnog lica "NIAL" d.o.o. za građevinarstvo, transport i usluge Sarajevo, ulica ul. Kraljice Jelene broj 24, Sarajevo donio je dana 12.05.2025. godine sljedeće:

RJEŠENJE

1. Pokreće se prethodni postupak radi utvrđivanja uslova za otvaranje stečajnog postupka nad imovinom pravnog lica "NIAL" d.o.o. za građevinarstvo, transport i usluge Sarajevo, ulica ul. Kraljice Jelene broj 24, Sarajevo.
2. Za privremenog stečajnog upravnika imenuje se Šišić Emina iz Sarajeva.
3. Privremeni stečajni upravnik će izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika, utvrditi da li postoje razlozi i uslovi za otvaranje stečajnog postupka, utvrditi da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti dužnika te ispitati da li imovina stečajnog dužnika može pokriti troškove stečajnog postupka.
4. Dužnik je obavezan da dozvoli privremenom stečajnom upravniku da pregleda poslovne knjige i poslovnu dokumentaciju dužnika.
5. Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.
6. Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.
7. Pozivaju se povjerioci da predlože mjere osiguranja nad predmetima i imovinom stečajnog dužnika.
8. Ovo rješenje će biti objavljeno na oglasnoj i elektronskoj tabli ovog suda, u „Službenim novinama Federacije BiH“ i na internet stranici Finansijsko-informatičke agencije.
9. Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj MBS broj: 32-01-0842-19.

O b r a z l o ž e n j e

Predlagatelj je dana 13.03.2025 godine podnio prijedlog za otvaranje stečajnog postupka nad privrednim društvom lica "NIAL" d.o.o. za građevinarstvo, transport i usluge Sarajevo.

Na ročištu održanom dana 04.04.2025 godine, predlagatelj-ravnatelj društva je izjavila da firma otežano posluje i to još od 2022. godine, da društvo nema imovine, pokretne ni nepokretne, a da ima dugovanja prije svega prema PUFBiH i UIO, dok u odnosu na dobavljače vjeruje da nema dugovanja. Predlagatelj je također izjavila da se firma samo formalno vodi na njenom imenu, te da ista nije upoznata sa detaljima oko poslovanja stečajnog dužnika.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uslovi za otvaranje stečajnog postupka, te imajući u vidu činjenicu da je dužnik uplatio predujam za pokriće troškova prethodnog postupka, sud je donio odluku kao u izreci, primjenom članova 61., 62., 63., 65. i 66. Zakona o stečaju FBiH.

STEČAJNI SUDIJA
Zlatan Bilić

Pouka o pravnom lijeku: protiv ovog rješenja žalba nije dopuštena.